

Electi provedadori sora i Banchi.

† Sier Marco Barbo fo retor et proveditor a Cataro, qu. sier Marco	172.	52
Sier Justo Guoro fo capitano a Bergamo, qu. sier Pandolfo	95.	130
Sier Zuan Alvise Venier fo di Pregadi, qu. sier Francesco	132.	87
Sier Bartolomeo Morexini fo proveditor a le biave, qu. sier Lorenzo	153.	58
Sier Francesco Zen fo governador di l' intrade, qu. sier Alvixe	133.	89
Sier Nicolò Semitecolo fo di Pregadi qu. sier Beneto	141.	84
† Sier Marco Antonio Foscarini fo proveditor a le biave, qu. sier Andrea	175.	46
Sier Vincenzo Zantani fo capitano a Zara, qu. sier Zuanne	142.	82
† Sier Zuan Batista Donado fo consier in Cipri, di sier Andrea	156.	60
non Sier Hironimo Arimondo fo proveditor sora le legne, di sier Andrea, per non esser capace.		

25• *A dì 30.* La matina. Non fo alcuna lettera, et il Serenissimo vene tardi in Collegio perchè si purga et tuol siropi.

Vene l' orator di Milan, per la piezaria di ducati 10 milia, et parlò in conformità di le lettere havemo haute heri di l' orator nostro.

Introno li Cai di X in Collegio, perchè i Savi voleno meter al Pregadi alcune lettere di Roma, per una materia traterano.

Da poi disnar, fo Conseio di X con la Zonta, et fu il Serenissimo. Prima fo il Conseio semplice, et feno certe provision zerea le arme et dar autorità a li Cai di X di far dar corda, et ai loro capitanei, la qual deliberation si publicherà et noterò al suo loco.

Item, con la Zonta preseno aprir al Pregadi una letera drizada a li Cai di X, dil zeneral di S. Stefano per la materia il Colegio vol tratar zerea li possesi di vescoadi.

Item, preseno che si toi di la Zeca ducati 19 milia, et quelli dil sal ubligar a la Zeca, et si pol tuor in Zeca altratanti danari con darli 6 per 100 a l' anno, iusta el consueto.

Da Constantinopoli, vene lettere di sier Piero Zen orator et vice baylo, di 28 et 30 Marzo

per via di Ragusi, qual hessendo dà licentia a la Zonta tornorono suso ad udirle; il sumario scrive-rò qui avanti.

Etiam fono lettere di Corfù di et dil Zante et dil procurator Canal di l' armata

Da poi feno, col Conseio semplice, li capi per il mexe di mazo; sier Bernardo Soranzo, sier Antonio Surian dotor et cavalier et sier Marco Barbarigo, tutti tre stati altre fiade.

Nota. La deliberation hozi fata nel Conseio di X semplice fo dar autorità a li Cai di X che *de coetoro* do di loro havesseno autorità a li disobedienti di capitanei dil Conseio predito, farli star in preson fin 4 mexi et farli dar scassi 3 di corda, che prima non haveano li Cai tal autorità.

Da Verona, di sier Zuan Dolfin podestà et sier Marco Zantani capitano, di 28. Come havendo visto le fabriche, ordinate far per il signor duca di Urbin, laudano la diligentia di sier Jacomo Malipiero stato proveditor, dal qual se intenderà el tutto.

Da Milan, di l' orator nostro, di 26. Da poi la partita di Zenoa di Cesare nulla se ha inteso, *solum* che la duchessa di Savoia smontò di gallia et ritornò al suo stato, rispetto che 'l mare la perturbava molto per esser gravada in 7 mesi. Don Lopes di Soria, vien orator a la Signoria nostra, questa matina è partito per Pavia, starà doi giorni a Ferrara et aviserà il secretario di la sua venuta. Il Taberna per Spagna non è ancor partito, nè *etiam* l' orator che stava li ordinario. Il marchese di Mufferà rimase quasi sincier dil mal.

Dal Zante di sier Hironimo da Canal proveditor di l' armata, di primo April, ricevute a dì 30 ditto in Conseio di X. Come era stato a la Zefalonia per exequir l' ordine datoli per il Conseio di X con la Zonta, et era venuto li al Zante per exequir, poi li ditti ordeni andarà a Napoli ed Romania, et questa note si parte, et *etiam* va per levar biscoti fati far de li, et lassa la gallia Catharina li al Zante. A li zorni passati, per la gallia Sibinzana fu prese do barche di albanesi, una di la Parga et l' altra di la Rilla, le qual andavano dannizzando quelli contorni, et ha prexo 10 de loro hessendo fugiti li altri, a li qual li darà el debito castigo. Dimanda una gallia nuova, perchè deve partir et convien tuor gallia vecchia, havendo segnata quella nova che 'l voleva.

Di sier Mathio Barbarigo proveditor dil Zante, di 2 April, ricevute ut supra. Aviso come